

Akileraartarnermut Oqartussaasut ataanni immikkoortorta qarfirmik immikkut suliaqartussamik, aningaasaqarnikkut pinerluuteqartarnerup, ilaatigut ikiaroorartunik niuerniarnermut attuumassuteqartup, paasineqarnissaanik siunertaqartussamik pilersitseqqullugit Naalakkersuisut peqquneqarnissaanik siunnersuut, tamanna pissaaq akileraarusersuinermini annertunerusumik suliniuteqarneq aqqutigalugu, tamatumunnga ilanngullugit nalunaarsuiffiit atortorissaarutillu pioreersut ataatsimoortinnerat, tassuunakkut isertitat pigisallu nalillit inatsisinik unioqqutitsilluni pissarsiaasimasut paasineqarsinnaaqqullugit.

(Inatsisartuni ilaasortaq Agathe Fontain, Inuit Ataqatigiinneersup siunnersuutaa)

Akissuteqaat

(Aningaasaqarnermut, Aatsitassanut Nunanullu Allanut Naalakkersuisumit akissut)

Aappassaaneerreqarnera

Inatsiseqarnermut ataatsimiititaliap sammisassaq pillugu sukumiisumik suliaqarsimanerat Naalakkersuisut matumani qujassuteqarput.

Inatsiseqarnermut ataatsimiititaliap sulinerminnut atatillugu sorparujussuit angullugit suliaqarsimapput, taamaammallu innersuussutaanni oqaatsit ataasiakkaat oqaaseqarfigerusunnagit.

Inatsiseqarnermut ataatsimiititaliap ataatsimoorussaminnik inneersuusiortnerat Naalakkersuisut tusaatissatut tiguaat 2016-illu ingerlanerani kukkunerisuinermik suliaqartarneq nukittorsarniarlugu akileraarnermut tunngasunik kukkunerisuisarnermik misilittagaqarluartunik atorfinitsitsinissamut piareersaanerit aallarnisarlugit, taakku aningaasanik peqquserlullutik isertitaqartartut sammisarissallugit, matumanilu 2017-imi aningaasanut inatsisissami immikkut taakku aningaasaliiffiqineqarnissaannut Naalakkersuisut siunnersuusiussamaarlutik.

Matumanut atatillugu inatsisinut tunngasutigut suliap pisariillisarneqarsinnaanera pisinnaanersoq paasiniarumallugu allaffeqarfik eqqarsaatersoqqullugit Naalakkersuisut noqqaassutiginiarpaat, taamaasiortertigullu isertitat aningaasarpassuillu peqquserlulluni isertitaasimasut paasiniarneqarnissaannut sulinermini pisariillisaasoqarsinnaanersoq paasiniarneqarumalluni.